



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ I. Quale Iuramentum Abbates Sancti Maximini præstare soleant.

urn:nbn:de:hbz:466:1-14268

declarârunt Abbatiam S. Maximini Cæsari soli & S. Sedi Apostolicæ immediate subiectam, camque pro tali tempore habuerunt.

SECTIO OCTAVA.

An Abbas, & subditi Maximiniani Archiepiscopis Iuramentum subiectionis præstiterint.

Imperatores, dicit auctor libelli, vigore capitulationis Cæsareæ iuramento solemnni confirmatae, teneri ad manutentionem Regalium Archiepiscopis confirmatorum; Abbates vero omnes S. Maximini, vna cum subditis subiectem Archiepiscopis tanquam Dominis territorij & ordinarijs suis præstitis iuramentis contestatos; quæ iuramenta dicit exhiberi sub lit. H. n. 1. & 2. *Vnde minatur, quod neque modernus Archiepiscopus (cuius verba sunt) nec eius Successores, sano consilio usq; vi iuramentorum unquam contra dictas sententias, & res iudicatas iuraque Ecclesiæ siue in quocunque tandem iudicio decerni passuri, aut prætensis decretum admissuri sint; imo quod modernus Archiepiscopus sententias in aula Cesarea ac Monachis per falsa narrata (ut dicit) exprædictatis, se se iure opposuit & contradixit, ac in posterum, si opus fuerit in hoc, alijsque quibusvis iudicis opponet ac contradicet, nec magis Ecclesiasticam quam secularem exemptionem illis concedet.* Hæc animosus ille Scriptor à n. 26. usque ad 31.

Primum, quod de Cæsareæ capitulationis iuramento est, responsione dignum non puto, notiorum enim est Cæsarem teneri ius dicere, S. Roman. Imperium eiusque Status ac Membra conferuare, Iura, feuda & Regalia corundem Statuum ac Imperij membrorum tueri. Ad quid ergo imprudens scriptor, Capitulationis Cæsareæ iuramentum in scenam producis? Nunquid omnes sciunt illius vim non ad suprema tantum, sed ad infima quoque Imperij membra ac status extendi?

Secundum vero, quod de iuramentis Abbatis & subditorum subiungis, examine egit.

s. I. Quale Iuramentum Abbates Sancti Maximini præstare soleant.

ABBAS S. Maximini Imperatoris ac S. Rom. Imperij Vasallus, cum ab illo feuda Regaliaq; recipiat, etiam eidem fidelitatem iurat, idque semper & ab omni memoria ita factum est.

Neque vero per Commissionem inuestiendi, Archiepiscopis ab Imperatore Maximiliano Primo datam, ratio antiqua vel inuestituræ, vel feudorum, vel iuramentum quoad hoc punctum mutata fuit; cum semper æquè illa ab Imperio & Imperatore accepta, hoc vero eidem Imperatori & Imperio ab Abbe præstitum fuerit.

Neque enim huic inuestiendi negotio Archiepiscopus interuenit aliter, quam ut Commissarius & Procurator Cæsaris, cuius nomine vice ac Mandato inuestit ac iuramentum admittit.

Probatur id ex ipsa iuramenti formula, quam mox subiungam. Et ex alia tum sub Num. 52. tum in instrumento inuestituræ ipsiusmet Ioannis Isenburgici

Arch-

Archiepiscopi Abbatis Commendatarij inferra sub Num. 57. Ex qua Abbatem iurare fidelitatem Imperatori & Imperio, non autem Archiepiscopo clavis est, quam ut explicatione indigeat.

S. II. Quale sit illud Iuramentum quod Auctor libelli exhibet.

Nihilominus exhibetur in libello sub lit. H.n.1. Iuramentum, quod Abbas S. Maximini dicitur præstare, sed illud omnino corruptum, falsificatum & à supradicta præscripta formula multum alteratum; quod ut melius percipiat Lector, visum est hic subiçere vtrumque.

Formula Iuramenti, quod Abbes S. Maximini in Regalium & feudorum Inuestitura post Maximiani I. Diploma præstant.

Ego N. Abbas S. Maximini promitto ac Iuro Reuerendissimo, Illustrissimo Principi, gratiissimo meo Domino Treuirensi, nomine & ex parte, & ex mandato Serenissimi, Potentissimi Principis ac Domini D. N. Romanorum Imperatoris Clementissimi mei Domini, quod Cæsaræ illius Maiestati, illiusque Clementia Successoribus Romanorum Regibus & Imperatoribus ac sacro Imperio velim esse fidelis & additus, præmonere eorum damna, consilia celare, meliora procurare, neque vñquam Consilio aut facto interesse, quod eorum Maiestati in suis personis, honoribus & dignitatibus nocere possit, omniaque ea facere, quæ mei antecessores sacro Imperio debuerunt, & obligati fuerunt. Sic me Deus adiuuet & Sancti.

Formula exhibita ab Auctore libelli sub lit. H. n.1.

Ego N. Abbas Monasterij S. Maximini extra & prope mœnia Ciuitatis Treuirensis, Notum facio vniuersis, quod Reuerendissimo in Christo Patri ac Domino, Dño N. Archiepiscopo Treuirensi, ac Principi Electori, infra scriptū fidelitatis, subiectionis & obedientiæ præstiti Iuramentum, sub hac, quæ sequitur forma: Ego N. Abbas Monasterii S. Maximini extra & prope mœnia Ciuitatis Treuirensis promitto, spondeo, & Iuro, me, ex nunc in antea, fore fidelem & obedientem Sacro Rom. Imperio & Reuerendissimo in Christo Patri Illustrissimoq; Principi ac Domino, Dño N. Archiepiscopo Treuirensi, Sacri Rom. Imperij, per Galliam & Regnū Arelatense, Archicancellario & Principi Electori, Dño meo gratiissimo, Imperiali & Regia authoritate & nomine, iuxta tenorem litterarum, suisque Successoribus, canonice intrantibus, Iura sua & suæ Diœcesis, quoad potero defendam, neque quod in me est, lèdi patiar, non dabo consilium vel consilio interero, cuius occasione dictus Dñs Archiepiscopus, vel sui Successores, periculum corporis, honoris, læsionem membrorum suæ ditionis, vel subditorum patiatur; sed si id ab alijs tentatum resciuero, pandam illi suisque Successoribus fideliter, Regalia, temporalitates, feuda, & quæcunque Monasterij mei Iura fideliter conseruabo & manutenebo deperdita pro posse recuperabo: sic me Deus adiuuet: Ita Iuro ad hæc sancta Dci Euangelia. In cuius rei testimonium, Sigillum meum præsentibus est appressum: Data N. die &c. mensis &c. Anno Domini &c.

Vt hactenus omnibus retro temporibus ab Imperatore, Sacroque Imperio feuda, Regaliaque receperunt tenueruntque Abbes S. Maximini, ita & posteaquam ab Archiepiscopo, tanquam Commissario & Imperatores Procura-

